



Un dai nestris contecurtârs al à vinçût il premi di «In trê riis», concors leterari par un romanç par furlan di non plui di 180 batudis, riservât a concorints cun mancul di 35 agns e rivât ae seconde edizion. Il vincidôr jenfri i siet finaliscj segnalâts al è stât difat Christian Romanini cul test intitulât **«Un altri carnevâl»**.

Ve chi il test dal “mini romanç”:

**«Lui le cjalâ. Jê, sbassant i voi, e sintive cressi chel sentiment che i scjaldave il cûr.
E di lontan i fûcs dai palaçs dai siôrs a inluminavin la gnot de Joibe grasse dal
1511»**

Compliments a Christian (te foto parsore la premiazion: Chris al è chel plui grues di ducj ;-D) di bande di dute Contecurte! Ogni tant cualchidun al proteste parcè che achi no si permet di doprà plui di un tant di batudis. Viodeiso che a alenâsi cussì al covente a alc? ☐